



PERDANA
LEADERSHIP
FOUNDATION
Y A Y A S A N
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	UTUSAN MALAYSIA
Date	29 AUGUST 2016

Dr. Mahathir tidak patut keluar kenyataan

UMI - 29/8/2016

PUTRAJAYA 28 Ogos - Sebagai bekas Perdana Menteri serta Presiden UMNO, Tun Dr. Mahathir Mohamad tidak sepatutnya mengeluarkan kenyataan-kenyataan yang boleh memecahbelahkan rakyat lebih-lebih lagi ketika negara sedang menyambut Bulan Kebangsaan.

Setiausaha Agung UMNO, Datuk Seri Tengku Adnan Tengku Mansor sebaliknya berkata, semua pihak sepatutnya berganding bahu membangunkan negara dan bergerak ke hadapan.

“Saya tidak tahu apa pemikiran beliau, tetapi ini tidak sepatutnya berlaku. Sememangnya Dr. Mahathir ingin menjatuhkan kerajaan sedia ada. Beliau akan cuba sedaya upaya untuk mengatakan bermacam-macam. Saya dengar apa yang dia sebut,” katanya selepas melepaskan kira-kira 2,500 peserta Program Kayuhan Merdeka Fun Ride 2016 dan Program Kembara Jalur Gemilang 2016 Peringkat Wilayah Persekutuan Kuala Lumpur dan Putrajaya, di sini hari ini.

Beliau mengulas kenyataan Dr. Mahathir baru-baru ini yang mendakwa konsep Bangsa Johor mempromosikan semangat kenegerian berbanding kebangsaan dan hariya akan memecahbelahkan rakyat Malaysia.

Tambahnya, ungkapan Bangsa Johor yang sering dilaungkan itu menggalakkan rasa bangga diri yang tidak sihat.